

Manmin nga mga Balita

NUMERO 25 DISYEMBRE 2, 2012

Ang Hangin sa Espiritu Santo ni Bag-o sa Pakistan og Sri Lanka

Ang Pastors' Seminar og Handkerchief Healing Crusade ni Pastor Taesik Gil



Ang Pulong sa kinabuhi og ang gahum sa Diyos nga ni hikyad didto sa Pakistan og Sri Lanka ■ 1: Ang krusada nga gidumala sa Full Gospel Assembly nga naay 10,000 ka mga tawong nanambong. ■ 2: Handkerchief Healing Crusade sa Kirulnapona ■ 3: Si Pastor Taesik Gil nag-ampo para sa mga masakiton gamit ang panyo sa gahum. ■ 4-5: Ang mga nanghimatuod naghimaya sa Diyos tungod sa ilang kaayuhan ■ 6: Nagdawat sa doctoral degree si Pastor Taesik Gil gumikan sa iyang kontribusyon ngadto sa Pakistani-ministry (tunga)

Ang kayo sa ebanghelyo ni silaob tungod sa mga ilhanan og gamhanang lihok nga ni hikyad didto sa Pakistan nga naay 97% populasyon sa mga Muslim og Sri Lanka nga naay 69% Buddhist. Oktobre 16-26, 2012, Si Pastor Taesik Gil (Daejeon Manmin Church) og ang Manmin's mission team ni ngadto sa Pakistan og Sri Lanka.

Oktobre 17, 2012, ang Doctoral Degree Award Ceremony para ni Pastor Taesik Gil gihimo didto sa Ambassador Hotel sa Lahore, Pakistan. Ang council sa mga Bishop og mga dako sa National Churches nihatag og pasidungog sa pagpanudlo og pagpangalagad ni Pastor Taesik Gil ngadto sa Pakistani-ministry. Si Pastor Gil nakabisita na sa Pakistan 14 na ka higayon sulod sa 10 katuig nga nilabay og naghimog mga seminar og krusada sa panyo para sa pagpangayo sa 12 ka siyudad. Og ang 'Bright Future Society',

usa ka Non-Governmental Organization, nihatag og Good Samaritan Award ngadto ni Dr. Jaerock Lee, agi'g pasalamat sa iyang debosyon para sa kaluwasan sa mga kalag.

Sa seminar nga ni sunod, si Pastor Gil miwali sa mensahe mahitungod sa 'Providence of human cultivation' basi sa libro ni Dr. Jaerock Lee nga 'Awaken Israel'. Pagka gabii, sa sugyot ni Pastor Anwar Fazal, Presidente sa Isaac TV, gihimo ang Handkerchief Healing Crusade didto sa Full Gospel Assembly. Si Pastor Gil niwali sa krusada og nipasabot mahitungod sa upat ka rason nganong si Hesus lang ang atong Manluluwas og nag-ampo sa mga masakiton gamit ang panyo sa gahum (Buhat 19:11-12).

Oktobre 18, ang Pastor's Seminar gihimo didto sa Water of Life Church nga gipangalagaran ni Pastor Anwar Fazal. Si Pastor Gil, mao ang mamumulong

sa seminar, nitudlo sa "The Measure of Faith". Ang mga nanambong natandog kaayo sa espirituhanong mensahe og ni hangyo niya sa uban pang mga mensahe ni Dr. Jaerock Lee.

Oktobre 20, ang Handkerchief Healing Crusade gihimo didto sa Kirulnapona, Colombo sa Sri Lanka. Si Pastor Gil niwali mahitungod sa "The Reason Why God Cultivates Humans" og "The Reason Why God Placed the Tree of Knowledge of Good and Evil". Pag Oktobre 21 niwali siya mahitungod ni Hesu Kristo didto sa Wattala Handkerchief Healing Crusade.

Sa Handkerchief Healing Crusade nga gihimo sulod sa duha ka adlaw ang mga tawo nipasidungog pag ayo sa buhi nga Diyos, human sa ilang kaayuhan sa nagkalain-laing sakit og balatian. Gayan Dayasinghe (lalaki, 6 anyos) nagsalig nalang sa 'inhaler' tungod kay maglisod og ginahawa, apan iyang nabati

ang kainit diha sa iyang dughan og liog atol sa krusada og naayo. S. Nihal Fernando (lalaki, 54 anyos) ni-ingon nga ang iyang after-effects sa aksidente nawala. Bridgette (Babaye, 60 anyos) nakakita og balik. Maradayi (babaye, 65 anyos) naayo sa spinal-pain. Og daghan pang mga panghimatuod gawas aning mga tawhana.

Pag Oktobre 22, ang Colombo Pastors' Seminar gihimo og si Pastor Gil nitudlo sa "The Measure of Faith". Ang mga pastor nga nanambong niingon, "Ang iyang pagtudlo kinutlo gyud gikan sa Bibliya, espirituhanon og lawum". Oktobre 23, ang seminar para sa mga pastor sa Kandy gihimo sa tema nga "The Message of the Cross". Og dinhi natapos ang ilang mission-trip. Ang mga pastor nga nalingaw sa kahumut sa pagkabalalan sa ebanghelyo nanglantaw pa sa lain pang umaabot nga mga seminar.

Daghan Pang mga Kalag nga Makahibalo sa mga mensahe

ni Dr. Jaerock Lee pinaagi sa Isaac TV

Pinaagi sa Isaac TV sa Pakistan, daghan pang mga kalag ang makapaminaw sa mga mensahe nga puno sa kinabhuhi.

Karon ang Isaac TV nagsibya sa mga mensahe ni Dr. Jaerock Lee sa English og Urdu nga sinulatan, unom ka oras matag adlaw og ang mga pasudayag nga programa sa Manmin-praise gisibya sad 2-hours kada adlaw sa tibuok Pakistan og sa Middle East.

Si Pastor Anwar Fazal, presidente sa Isaac TV niingon, "Ang Isaac TV bag-ohay lang niperma og kontrata sa satellite station nga maka-abot og sibya sa U.K., Europe, og Africa, para ang ilang programa masibya. Pinaagi ini, daghang mga tawo ang makahibalo sa matuod og makaangkon sa kaluwasan.



Han'ay sa "Ang Mensahe sa Krus" - (23)



Senyor Pastor Dr. Jaerock Lee

Kon ang tawo moila nga si Hesus iyang Manluluwas og maghinulsol sa iyang mga sala, siya matawo pag usab og makaangkon sa kinabuhing dayon kay ang Diyos mohatag niya sa Espiritu Santo. Apan ang pagkatawo pag-usab human sa pagdawat sa Ginoo wala magpasabot nga makaangkon na sa kinabuhing dayon, bisan pa, gikinahanglan pa gihapon niya ang pagtubo pinaagi sa pagkaon sa espirituhanong pagkaon para makakab-ot "sa taas nga sukdanan nga nahisakop diha sa kapuno ni Kristo".

"Espirituhanong Pagkaon" nga gikinahanglan para sa espirituwal nga pagtubo, nagpasabot sa "unod sa Anak sa Tawo" og "Iyang Dugo". Sa dihang mokaon ta sa unod og moinom sa dugo sa Anak sa Tawo atong maangkon ang kinabuhing dayon (Juan 6:53-55).

1. Pasabot sa "Pagkaon sa Unod og Pag-inom sa Dugo sa Anak sa Tawo"

"Ang Unod sa Anak sa Tawo" mao ang unod ni Hesus, nga mao ang "Pulong sa Diyos" nga nahisulat sa Bibliya Juan 1:14 nag-ingon nato, "Og ang Pulong nahimong tawo og mipuyo uban kanamo, puno sa grasya og kamatuoran. Nakita namo ang Iyang himaya nga iyang nadawat ingon nga bugtong Anak sa Amahan". Si Hesus ang maong 'unod', isip tawo pag-anhi Niya dinhi sa kalibutan.

Si Hesus nihulagway usab nga siya "Ako mao nga pan nga gikan sa langit nga naghatag sa kinabuhi. Ang mokaon niini nga pan dili gayod mamatay. Og ang pan nga akong ihatag mao ang akong unod aron mabuhi ang kalibutan" (Juan 6:51).

Ang pagkaon sa unod sa Anak sa Tawo – Pulong sa Diyos, ang pan sa kinabuhi – duol og sama nga si Hesus "Karnero". Sa Juan 1, si John the Baptist nagpasabot nga si Hesus sama sa "nating karnero sa Diyos nga nagwagtag sa sala sa kalibutan" (v.29).

Sa kasagaran, ang karnero motuman lang sa tingog sa iyang magbalantay, lunsay og maghatag lang og binipisyo sa tawo. Mao usab, si Hesus masinugtanon sa kabubut-on sa Amahan, nga nahimo siyang atoning-sacrifice sama sa lunsay nga karnero, og naghatag lang sa mga kaayohang butang alang sa katawhan. Ang karnero nga wala makaabot og panuigon hinlo kay bata og sa espirituwal nga termino, sila sama sa atong Hesus nga wala buling og mantsa.

Sa dihang ang 'Plague', kahibulongang nihuros didto sa tibuok Ehipto og gipamatay ang unang anak nga lalake, sa gisaysay sa Exodu 12, ang Diyos nimando sa mga Israelita nga mag-andam

Kinabuhing Dayon (1): Ang Pagkaon sa Unod og ang Pag-inom sa Dugo sa Anak sa Tawo (1)

"Si Hesus niingon, Sultihan ko kamo,

'kon dili mokaon sa unod sa Anak sa Tawo og dili moinom sa iyang dugo, dili kamo makabaton og kinabuhi.

Ang mokaon sa akong unod og moinom sa akong dugo may kinabuhing wala kataposan og banhawon ko siya sa katapusang adlaw.

Kay ang akong unod mao ang matuod nga pagkaon og ang akong dugo mao ang matuod nga ilimnon" (Juan 6:53-55).

og karnero "walay tatsa, usa katuig ang kagulangan og lalake" – para nila og "magkuha silag dugo og ipahid sa duha ka haligi sa pultahan og sa ibabaw sa pultahan sa mga balay diin kan-on ang mga mananap". Ang Diyos nihatag sa insaktong pagtudlo kon unsaon nila pagkaon ang karnero (Exodu 12:8-10), tungod kay kini naay espirituhanong pagtulon-an para sa atong kinabuhi.

"Niadtong gabhiona aslon ang mananap og kan-on uban sa pan nga wala patubo og sa mga utanon nga pait. Ayaw pagkaon sa bisan unsa niini nga hilaw o sinabawan. Asla gyud ang tibuok mananap uban sa ulo, tiil og ang sulod sa ginhawaan. Kan-a ninyo og ayaw pabuntagi bisan gamay. Kon naay mahabilin, sunoga kini" (Exodu 12:8-10).

2. Ang Pagkaon sa Karnero

1) Dili kini kan-on nga "hilaw o sinabawan," apan inasal sa kalayo.

Dinhi, "kalayo" nagpasabot sa kalayo sa Espiritu Santo og atong sabton og himoong pan ang Pulong sa Diyos pinaagi sa inspirasyon sa Espiritu Santo, ang mainitong pag-ampo gikinahanglan gyud.

2 Pedro 1:20-21 nagpahinumdom nato, "Apan labaw sa tanan, hinumdumi kini; wala bisan kinsa nga makasaysay sa kahulogan sa mga propisiya sa kasulatan pinaagi sa iyang kaugalingong panabot. Kay ilang gisulti sa mensahe nga gikan sa Diyos". Sa 2 Pedro 3:16 nagpahimangno nato nga ang pag interpret sa Pulong sa Diyos nga wala inspirasyon sa Espiritu Santo, apan sa baliko nga paagi maoy makapahilayo nato sa matuod og sa kaulahian mo laglag nato. Ang pagtuis o paglubag sa Pulong sa Diyos nga wala inspirasyon sa Espiritu Santo, maoy sama sa pagkaon sa karnero nga "hilaw o sinabawan".

Unsay pasabot sa "pagkaon sa Pulong sa Diyos nga hilaw"? Mao ang literal nga interpretasyon sa Pulong sa Diyos nga wala makasabot sa espirituhanong pasabot nga nahitisok dinha. Kon makaon og hilaw nga pagkaon dili mahilisan og hinuon magsakit ang tiyan. Mao sad ang "pagkaon sa Pulong sa Diyos nga hilaw" makapa wala buot og dili makakuha sa insaktong pasabot sa Bibliya.

Pananglitan, si Hesus niingon sa Mateo 6:6, "Apan kon mag-ampo ka sulod ngadto sa imong kwarto, panirado og pag-ampo ngadto sa imong Amahan, og ang imong Amahan nga makakita og unsay nahitabo sa hilum mo hatag nimo sa ganti". Ang literal nga pasabot ining bersikuloha maoy

mo giya nato sa pagtukod og inner-room aron didto mag-ampo. Apan, wala kitay makit-an sa Bibleya nga ang mga katigulangan sa pagtoo nag-ampo "sulod sa kwarto"; Sama pananglitan ni Hesus, wala mahitabo nga siya nag-ampo sulod sa kwarto apan didto sa garden o sa dapit nga layo og mingaw.

Sa espirituhanong termino, ang "kwarto" nagtumbok sa dughan sa tawo. Mahilayo ka sa kalibutanong mga butang kon mosulod ka sa kwarto og manira. Si Hesus ni mando, "sulod ngadto sa imong kwarto", kini nagpahinumdom nato nga kon kita mag-ampo dili "magpaka aron ingnon" o aron dili ta masamok sa kalibutanong mga kabalaka; makig esturya ta sa Diyos gikan sa kinailadman sa atong dughan.

Unsay pasabot sa Bibliya sa pag-ingon nga dili ta mokaon sa karnero "nga sinabawan"? Kini nag-ingon nato nga wala elemento aning kalibutana nga atong ipuno sa Pulong sa Diyos. Sa pag wali sa Pulong sa Diyos, dili nato kini itipon sa unodong mga butang sama sa politiko. Og kutloon ang mga pulong sa mga pilosopo og sa uban pang kalibutanong kaalam og ilang i-presenta nga daw mao ang matuod. Ang hunahuna og kaalam sa tawo limitado og wala bantogang hunahuna aning kalibutana nga insakto. Sa 1 Corinto 1:25 nagpahinumdom nato nga, "Kay ang giisip nila nga binuang sa Diyos mas maalamon pa kay sa kinaadman sa tawo og ang ilang giisip nga kahuyang sa Diyos mas lig-on pa kay sa kusog sa yawo".

Ang Pulong sa Diyos mas labaw pa sa bisan unsang kaalam aning kalibutana og mao ra kini ang tinuod nga mohangtod og dili mausab. Sa pagtamud niini, ang usa makapanghimatuod lamang sa kaalam sa Diyos, nga nahisulat sa Bibliya, dili sa kaalam aning kalibutana, gumikan lang sa pagsabot pinaagi sa inspirasyon sa Espiritu Santo. Og iyang matudloan ang mga kaigsoonan mahitungod sa buhi nga Diyos, aron ilang makaplagan ang Ginoo, ang Iyang kabubut-on para kanila, og ang insaktong modelo sa kinabuhi diha ni Kristo nga gikinahanglan para sa kaluwasan. Tungod ini sa Exodu gisultian kita nga dili pakan-on sa karnero nga "sinabawan".

2) "Uban ang ulo, tiil og ang sulod sa ginhaw-an" kan-on ang tibuok.

Kini nagpasabot nga atong himuon nga pan ang Pulong sa Diyos nga naa makita sa kinatibuk-an sa Bibliya gikan sa Genesis hangtod sa Gipadayag. Sa pagbasa og Bibliya ang uban mo laktaw sa lisod nga parti sama sa Levitico, samtang ang uban mangulipas o magduha-duha sa pagtoo

pananglitan sa mga ilhanan og kahibulongan nga nahisulat sa Bibliya.

Kung ang tawo mo laktod sa ubang parti sa Bibliya nga dili mosibo sa ilang hunahuna og pamalandong, ang nahibilin kaduhaduhaan kung tinuod o dili. Labaw sa tanan kung ang dughan sa tawo dili modangup sa mga sugo sa Diyos kay para nila lisod nga tumanon, dili sila makaangkon sa kinabuhing dayon, bisan pa man og permi silang magbalik-balik og basa sa Bibliya.

Ang Pulong sa Diyos dili bahinbahinon apan himuon nga tibuok nga pan. Kay mao kini ang rason nga ang Diyos nihatag sa sugo nadto sa mga Israelita Sa pagkaon "sa ulo, sa tiil og sa ginhawan".

3) Anang gabhiona kan-on og hurot ang karnero og wala mahabilin sa sunod buntag; kung naay mahabilin kini pagasunogon

Kung ang mga Israelita dili makahurot og kaon sa karnero sa dili pa ang kabuntagon, ang sobra ilang sunogon. Sa espirituwal nga termino, "gabii" nagpasabot sa panahon nga diin ang kaaway og satanas nagdumala sa awtoridad aning kalibutana. Sa katapusang mga adlaw, nga ang kalibutan labaw'ng matumog sa sala og daotan, kangitngit nalang unya ang makita. Kung ang Ginoo mobalik na unya nganhi nato, sa pagbuot sa Diyos, ang kangitngit mahanaw og pulihan kini sa kahayang nga maoy modala sa kabutagon.

Nianang panahona ang tawo makahunahuna nga ang tanang nahisulat sa Bibliya – mahitungod sa pag-abot ni Kristo, kadasig og uban pa – tinuod diay. Og dinhi na usab unya nga ang katawhan makahunahuna nga unsa ka binuang ang ilang pagkamatarong, kahangol, paghigugma sa ilang kauglingon og unsa ka sayup ang ilang gugma og pamaagi para sa kalibutan.

Apan wala na silay mahimo pa. Bisin mag-unsu pa sila og basol, ulahi na ang tanan para kanila. Mao nga, sa dili pa moabot ang kabuntagon – sa dili pa mobalik ang Atong Ginoo – kinahanglan nga kita magmahagoon sa paghimo og pan sa tanang Pulong sa Diyos, atong kompletohon ang preparasyon isip pangasaw-oon sa Ginoo, og maghulat sa Iyang pagbalik.

Minahal kong mga kaigsoonan diha ni Kristo, ang gidak-on kon giunsa nato paghimo ang pan sa Pulong sa Diyos kini maoy tino sa kalidad sa kinabuhi aning kalibutana og ngadto na usab sa langit. Mao nga, maayo unta nga ang matag usa kaninyo maghimo og pan sa kada Pulong sa Diyos og makasulod sa pinaka mindot nga lugar sa langit, sa ngalan sa atong Ginoong Hesu Kristo ako nag-ampo!

The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

Jesus Christ, His Second Advent, the Millennium, and the eternal heaven.

5. Members of Manmin Central Church confess their faith through "The Apostles' Creed" each time they come together and believe in its content verbatim.

"[God] Himself gives to all people life and breath and all things." (Acts 17:25)
"And there is salvation in no one else; for there is no other name under heaven that has been given among men by which we must be saved." (Acts 4:12)

Manmin nga mga Balita

Published by Manmin Central Church

Bisayan

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048
http://www.manmin.org/english
E-mail: manminministry@hotmail.com
Publisher: Dr. Jaerock Lee
Managing Editor: Geumsun Vin



Ang pagbunyag sa Kalayo maoy Magdala sa Balaan og Gamhanang Kinabuhi ngari Kanato

“Ako nagbunyag kaninyo sa tubig aron pagpakita nga naghinusol og mibiya kamo sa inyong mga sala. Apan ang moanhi sunod nako magbunyag ninyo pinaagi sa Espiritu Santo og sa kalayo. Siya mas gamhanan kay nako og dili gani ako angayan sa pagbitbit sa iyang sandalyas” (Mateo 3:11).

Human sa atong pagdawat ni Hesu Kristo, kinahanglan nga mabunyagan kita sa Espiritu Santo og kalayo. Aron kita makakab-ot sa pagkabalaan sa atong kasingkasing og magpakatinuod sa Kristohanong kinabuhi. Kon ikaw makaangkon sa katungod nga mahimong anak sa Diyos pinaagi sa pagdawat sa Espiritu Santo, gikinahanglan nga ikaw makadawat sa kalayo sa Espiritu Santo. Pinaagi ana, ang kusog nga gikan sa Diyos ihatag nimo og ikaw makaangkon sa bulahan nga kinabuhi. Ang pagbunyag sa kalayo gikinahanglan sa mga anak sa Diyos. Manghinaut mi nga sa imong pagsabot ini ikaw maoy mo giya sa daghang kalag ngadto sa kaluwasan.

Ang Pagdawat sa Pagbunyag sa Kalayo Moa ang Paghatag sa Kusog sa Diyos

Sa Isaias 6, sa dihang si Isaias nakakita sa Ginoo, nga balaan, sa panan-awon, siya nahingangha og niingon, “Pagkaalaot ko! Wala koy paglaom kay daotan ang mga pulong nga mogula sa akong mga ngabil...” Unya ang usa sa mga serapin nilupad padulong ngari nako nagdalag baga nga gikuha pinaagig kumpit sa halaran. Gipadapat niya kini sa akong ngabil og niingon siya, “Nakatandog na kini sa imong mga ngabil, busa wala ka nay sala; gipasaylo kana”. Nagpasabot nga si Isaias nahimong balaan sa atubangan sa Diyos pinaagi sa pagdawat sa pagbunyag sa kalayo.

Kini tungod kay ang mga butang nga naa sa atong dughan mogula sa atong baba og kon ang atong baba mahimong balaan ang atong dughan balaan usab sumala sa nahisulat sa Roma 10:10, “Gihimo kitang matarong sa Diyos kay kinasingsing man gyud kitang nagtoo og naluwas kita kay ato man kining gipamulong sa atong baba”.

Kung kusog lang sa tawo dili gyud makapapahawa ang tawo sa kinaiya nga pagkamakasala diha sa iyang dughan. Unya ra kon siya mopadayon og dawat sa pagbunyag sa kalayo, pinaagi ini iyang maibot ang pinaka gamot sa mga sala og mahimong balaan. Og sila makapuyo sa kahayag sa tanang panahon og ang ilang pamilya, mga trabaho og negosyo ma protektahan pinaagi sa nagadilaab nga bongbong sa Espiritu Santo og ang mga sakit og pagsulay magpahilayo. Ilang lipay nga mapahimuslan ang mga panalangin sa Diyos og magmalambuon.

Ang kaaway nga demonyo og daotan mawad-an sa ilang kusog og sama nga sila mamatay kon makahikap sa kalayo sa Espiritu Santo. Mao nga dili sila makaduol sa lugar nga ang bongbong nagadilaab sa kalayo sa Espiritu Santo. Og dili gani sila mopaduol sa maong lugar. Sa inyo nang nabasa, nga kon kita makadawat sa bunyag sa kalayo, atong mapapahawa ang pagkatawhanong makasasala, makapildi sa kaaway nga demonyo og satanas, og makabuntog sa kalibutan pinaagi sa kusog sa Diyos.

Pinaagi sa Pagdawat sa Bunyag sa Kalayo, Ikaw makapadayon sa Balaan og Gamhanang Kinabuhi

Si John the Baptist mo bunyag sa tawo pinaagi sa tubig tungod kay kini ilhanan sa paghugas sa mga sala sa tawo nga ila nang gihinulsolan, sama sa mga hugaw nga butang nga hugasan sa tubig. Kini iyang gihimo para pagtabang sa katawhan nga aron maghinulsol sa ilang mga sala, modawat sa Anak sa Diyos nga ilang Manluluwas og makaangkon sa kaluwasan. Karon, ang mga Kristohanon bunyagan gihapon sa tubig human sa ilang pagkadungog sa ebanghelyo og magsimba. Apan para mahimong balaan isip anak sa Diyos og magpakabuhing gamhanan, gikinahanglan nimo ang pagdawat ni Hesu Kristo aron ikaw mapasaylo sa imong mga sala og kinahanglan usab nimo ang bunyag sa Espiritu Santo og kalayo.

Kon atong dawaton si Hesu Kristo og modawat sa bunyag sa Espiritu Santo, ang atong mga nahimong sala mahugasan og mapasaylo og mahimo kitang anak sa Diyos. Apan wala kini magpasabot nga ang atong kinaiyang makasasala natangtang na. Kon naa pa nato ang gamot sa sala og dili tino nga magpakabuhi sa Pulong sa Diyos, usahay atubangon pa gihapon kita sa kaaway nga demonyo og satanas, og dinhi ang mga sakit o mga problema moduol lang gihapon ngari nato, sa atong pamilya, og sa trabaho.

Tugbang ini, kon atong perming dawaton ang pagbuyag sa kalayo bisan human makadawat sa bunyag sa Espiritu Santo, ang kalayo mo sunog sa atong mga sakit og sa atong natural nga pagkamakasasala diha sa atong dughan og ma sulbad ang atong mga nagkalain-laing problema sa lawas og kalag. Mao nga kon mag-ampo kita atong pangayoon ang kalayo sa Espiritu Santo. Ang mga anak sa Diyos nga nakadawat sa Espiritu Santo mangandoy gyud sa bunyag sa kalayo nga maoy mohatag nato sa gahum sa Diyos. Kon kita mag tiner sa kapuno sa Espiritu og ang atong pagka makasasala nasunog pinaagi sa pagbunyag sa kalayo, ang kaaway nga demonyo molayas ngari kanato. Og kita maglipay sa maayong lawas og kalamboan.

Para Madawat ang Pagbunyag sa Kalayo Kinahanglan nga Kita Puno sa Espiritu og Magpakitag Binuhatan sa Pagtoo

Sa Buhat 2, dinhi gihulagway ang mga tawong nakadawat sa bunyag sa Espiritu Santo og sa kalayo pinaagi sa pagtuman ni Hesu Kristo. Sa adlaw sa Pentecost, ang mga apostoles nagpundok sa upper-room ni Marcos og nag-ampo. Og diha dayon ilang nadawat ang kalayo sa Espiritu Santo nga sama sa makusog nga hangin og ila usab nga nadawat ang gahum. Pinaagi niini nahimo silang tawong walay kahadlok mo wali sa ebanghelyo.

Para madawat ang bunyag sa kalayo, una sa tanan, ato gyud nga gub-on ang bongbong sa sala nga naa sa tunga, nato og sa Ginoo. Pinaagi sa pag-ampo sa paghinulsol atong maguba og una ang bongbong sa sala. Og mag-ampo gyud ta nga mapuno sa Espiritu og sa Iyang inspirasyon. Og dinhi pa lang, nga ang kalayo sa Espiritu moduol nato og mo sunog sa tanan natong mga sakit. Mahimo na usab nato ang pagpalayas sa mga sala og daotan og makadawat sa tubag sa atong mga pag-ampo.

Ang bunyag sa kalayo mao mismo ang kusog sa Diyos, mao nga ato kining madawat kon magpakita kita og binuhatan sa pagtoo. Mo buhat kita sa matuod og mamundok sa mga pag-ampo og pagdayeg nga gikahimut-an sa Diyos. Kon kita magkamada sa kahumot sa nagadilaab nga mga pag-ampo nga nakatandog sa langitnong trono og magdayeg matag adlaw pinaagi sa pagtoo, ang bunyag sa kalayo nga mao ang kusog sa Diyos, moduol nato gikan sa kahitas-an.

Kon imong madawat ang bunyag sa kalayo, mapuno ka sa Espiritu Santo og ang tanan magmaayo diha kanimo sa paglambo sa imong kalag. Mao nga kitang mga anak sa Diyos nga nakadawat sa bunyag sa Espiritu Santo makadawat gyud sa bunyag sa kalayo. Pinaagi niini, malipay kita sa pagkabalaan og sa gamhanang kinabuhi og maghimaya sa Diyos.



“Dili nako Makalimtan ang Gahum, ang Pulong og ang Pagdayeg! Gusto Nako Kining Ipakatag sa Daghang Kalag sa Bulgaria”

Ako usa ka General- Practitioner, nga nag trabaho sa “HEMA 18” – Medical Center sa Sofia, Bulgaria. Ang akong pamilya nidawat ni Hesu Kristo isip atong Manluluwas pinaagi sa akong amahan nga nakahaman sa ‘Spiritual Priest School’ sa Bulgaria. Og sa iyang pagpadayon sa PhD-training didto sa Germany, na born again Christian siya. Mao kini ang sinugdanan sa among kinabuhi sa pagtoo. Sa wala pa ang tuig 1989 gibiyabiay mi og gibantayan pa gani kami sa gobyerno. Apan bisan pa, nanghatag pa gihapon mi og mga Bibliya og mga Kristohanong libro. Naa pa gani mi mga Christian-movies nga gipanghatag sa mga Kristohanon.

Ang pagtugyan sa akong debosyon ngadto sa Ginoo isip Kristohanon

Ang kong inahan doktor og ang akong amahan propesor sa parasitology. Naghunahuna ko sa akong kaugmaon sa dihang nakahaman sa high-school. Nagbarog sa nagsanga nga dalan – mopadayon ba ko sa pagka ‘medicine’ o mag ‘computer science’. Nagsugod ko og ampo mahitungod ani unya ang Ginoo nitubag sa akong mga pag-ampo nga ako mag ‘medical doctor’ sama sa akong mga ginikanan.

Sa wala pa ko mokuha og entrance-exam para sa medical-school gipanalanginan ko sa Diyos nga maka eksperyensya sa espesyal nga butang. Sa damgo iya kong gitudloan sa mga pangutana sa eksaminasyon! Salamat sa tabang sa Ginoo, nakasulod ko sa Sofia Medical University sa nindot nga grado og human lang sa 6 katuig nakahaman ko og tungha isip pinaka batang doktor sa kasaysayan sa Unibersidad. Nobyembre 1996.

Hangtod karon nagpuyo ko sa kinabuhi pinaagi sa malipayong pagtugyan sa akong kaugalingon, seryoso nga naghunahuna nga unsa kaha ang akong mahimo isip Kristohanong doktor. Isip presidente sa Bulgarian Christian Medical Association, mohatag ko og mga seminar mahitungod sa abortion, stem-cells, cloning, euthanasia og creationism og evolution. Uban sa akong asawa naa mi Bible study group og konsultasyon mahitungod sa panghitabo sa pamilya. Nagsuporta ko og panghatag og mga Bibliya sa among national-hospitals og institusyon sa gobyerno sama sa police station, schools, fire departments og uban pa.

Ang pinaka nindot nga butang nga among nahimo mao ang Bible-project. Naka panghatag mi og sobra sa 3 ka milyon nga mga Bibliya og mga Christian- books para sa mga bata. Bag-ohay ra, ang Bulgaria lang ang nasod nga motugot og pagpanudlo mahitungod sa Christianity, sa tanang nasod nga nahisakop sa EU.



Dr. Kiril Dechkov Svilenov og ang iyang asawa Irina Svilenova

Iyang - Profile

- Chairman sa Bulgaria Christian Medical Association
- General practitioner sa medical diagnostic center sa Sofia
- Medical consultant og tig-presenter sa Health TV Journal sa Bulgarian National Television “EUROPE”
- Nakadaog sa ganti sa “General Practitioner of the Year” – Bulgaria 2007
- Naglecture sa WCDN Bulgaria Conference niadtong April, 2012

Akong Natagboan ang WCDN ministry

Niadtong gamay pa ko nag-antos ko sa grabeng hepatitis B. Niadtong pahona naayo ko tugod sa ampo sa akong ginikanan og sa mga miyembro sa simbahan. Daghang mga tawo karon moingon nga wala nay mga milagro. Og sa pagkatinuod daghang mga doktor nga tino nga nahibalo sa misteryo sa atong lawas og dili motoo sa Diyos.

Hunyo 11, 2011, akong nadunggan ang mahitungod sa WCDN (World Christian Doctors Network) ni Dr. Lyubka Tancheva nga nitambong sa ilang 8th International Christian Medical Conference sa Australia nga naghisgot sa “Spirituality and Medicine”. Ang pagpangalagad sa WCDN inapilan sa mga medical-doctors og professionals. Sila nagpamatuod nga ang Diyos buhi og niila sa sagradong kaayuhan nga lihok sa Diyos pinaagi sa pagpakita sa medical-data nga nagmatuod nga ang kaayuhan gihimo sa Diyos. Sigurado ko nga ang kining maong pagpangalagad maghatag og kahimayaan sa

Diyos.

Og Mayo 15-16, 2012, nitambong ko sa “9th International Christian Medical Conference” nga gihimo didto sa Kenya. Gikulbaan og natandog kaayo ko. Dako kaayo nga panalangin ngari nako.

Nakapaminaw ko sa mga espirituhanong mga mensahe ni Dr. Jaerock Lee

Human ato akong nakaila ang mga matinud-anong kaigsoonan nga manambong sa Manmin Central Church, nga gi pastoran ni Dr. Jaerock Lee, nagtukod sa WCDN. Akong nabati ang pagkatinuod og madaygonan gikan sa ilang dughan nga kita untang mga Kristohanon sama niana. Ilang gisulti ang panglantaw ni Dr. Jaerock Lee og ang Manmin Central Church nga diin daghan na ang mga kalag nga naluwas.

Pagkahuman, naka paminaw ko sa uban nga mga mensahe ni Dr. Jaerock Lee, “The Lecture on Genesis” og “The Measure of Faith”. Akong nahunahuna ang espirituwal nga kalibotan og ang simple nga “pagtoo” wala gani maka tunga sa atong pagkaluwas! Ato gyud sad diay nga sundon ang kinabuhi sa Ginoo.

Labaw sa tanan ang usa ka libro, “The Message of the Cross”, maoy mo giya nato sa paghunahuna sa ‘providence of human cultivation’ og ang rason nganong si Hesu Kristo nianhi sa kalibutan. Makaingon ko nga ang maong libro mahinungdanon kaayo para sa pagtubo sa atong espirituwal nga pagtoo. Dugang pa, nakatan-aw ko sa mga programa sa GCN TV (www.gcntv.org) pinaagi sa TBN Russia Channel og na haylo kaayo ko sa Spirit-filled nga mga pagdayeg og mga pasundayag nga gihimo sa Performing Arts Committee sa Manmin Central Church.

Nakaangkon ko og panglantaw sa gingharian sa Diyos

Gusto kong mo bisita sa Manmin Central Church og gipanalanginan ko sa Diyos nga makaadto sa Korea og nibisita ko sa Manmin atol sa 30th Anniversary niadtong Oktobre 2012. Sa among pag-adto, akong nakita ang mga miyembro sa simbahan matinud’anong nag-ampo kada gabii. Ang departamento og organisasyon sa simbahan gitukod sa maayong sistema.

Sa dihang akong nakita personal si Dr. Lee, akong nabati nga siya mapaubsanon og matinud-anon. Ako sad nga nabati ang iyang dakong espirituhanong gahum og awtoridad. Siya tawo nga maampun.

Natandog sad kaayo ko sa tanang pasundayag og ang Diyos nag uban sa ilang pagdayeg og pagsimba. Ang mga sayaw og ang worship-team nindot kaayo! Bisan ang akong asawa nga magtutudlo sa arts-school, niingon nga propisyonal kaayo ang mga pasundayag. Ang simbahan dali ra kaayo nga motubo tungod kay naay maayo nga pangulo nga nagdala, basi ni Hesu Kristo og ang matinud-anong debosyon sa mga miyembro sa simbahan.

Nag-ampo ako nga pinaagi sa kabubut-on sa Diyos, ang Bulgaria mahimong sentro sa WCDN sa Balkan Peninsula. Gusto nakong iproklama ang gahum sa Diyos sa mga simbahan sa Bulgaria og ang ebanghelyo ni Hesu Kristo og apil na ang mga pagdayeg sa Manmin. Akong himayaon ang Diyos sa iyang pag gamit nako og sa iyang pag giya nako para sa Iyang Himaya



WCDN Korea Headquarters Staff, si Dr. Kiril Dechkov Svilenov og ang iyang asawa, og Pastor Ivan Hazarbassanov og ang iyang asawa Gabriela Hazarbassanova



Ang iyang pagbisita sa Muan Sweet Water Site nga diin makita ang gahum sa Diyos (Muan, Jeonnam Province sa Korea)

Mga Sangay ng Ministeryo ng Manmin sa Pilipinas

Manila Manmin Holiness Church

441 Patato St, J-Figueras
Sampaloc, Manila, Philippines
Pastor Peter Bae
Pastor Lucy Lee
2-735-1423

Bataan Manmin Holiness Church

067 Daang Bago, Dinalupihan,
Bataan, Philippines
Pastor Peter Bae
Pastor Crystal Lee
0910-262-5465

Isabela Manmin Holiness Church

Purok 3, Brgy, San Roque, San
Mateo, Isabela, Philippines
Pastor Peter Bae
Pastor Lucy Lee
0905-649-1120

Cavite Manmin Holiness Church

5 Lot 33 Bk 1, Canutuhan (tenant),
Santiago Gen.Trias, Cavite, Philippines
Pastor Sharon Cho
046-850-3193 /
0916-674-3903 /
0905-319-8191

Imus Manmin Holiness Church

Blue Bell St. Plaridel III Sub.
Bayan Luma 7, Imus Cavite,
Philippines
Pastor Jubeom Kim
0927-311-7633

Cebu Manmin Holiness Church

LOT N. 402 - B-4
Looc Along Side The Canjulao
Road, Lapu-Lapu City Cebu,
Philippines
Pastor Rossetta Sung
0921-635-7595

Davao Manmin Holiness Church

301 Ilang Ilang St. Flores
Village, Bangkal, Davao City,
Philippines
Pastor Kathryn Kim
0908-635-2714